

Tswana - Mowa o o Boitshepo Dikwalo - Holy Spirit Scriptures

Ekesodu 35:31 O mo tladiitse Mowa wa Modimo o o itshupang ka botlhale le ka tlhaloganyo le ka kitso le ka botswererere mo tirong nngwe le nngwe

Numeri 11:25 Ya baa gona Morena a fologang a le mo lerung a bua nae, a ba a tsaya mowa o o tshwanang le o o mo go ene, a o bayo mo banna-bagolong ba le 70. Jaanong ya re ba sena go tsenwa ke Mowa, ba bua jaaka baporofeti, mme ba se ka ba dira gape.

1 Samuele 10:6 Foo mowa wa Morena o tla go tseña, mme o tla itshola jaaka moporofeti nabo, o fetoga monna o sele.

2 Samuele 23:2 Mowa wa Morena o buile ka nna; lefoko la gagwe le mo Iolemeng Iwa me.

Jobe 33:4 Mowa wa Modimo o ntirile; Mowa wa Mong-wa-thata-yotlhe o a mphedisa.

Jesaya 11:2 Mowa wa Morena o tla nna mo go ene, e bong Mowa wa botlhale le tlhaloganyo, Mowa wa kgakololo le thata, Mowa wa go itse le go boifa Morena.

Miga 3:8 Mme nna ke tletse thata le Mowa wa Morena; ke tletse tshiamo le bopelokgale gore ke bolelele Jakobe tlolo ya gagwe le Israele boleo jwa gagwe.

Sagaria 4:6 Ke fa a araba, a nthaya a re: "Lefoko le ke la Morena le le rayang Serubabele le re: 'Ga se ka bonatla le e seng ka thata, mme ke ka Mowa wa me,' go bua Morena wa masomosomo.

Matheo 12:28 Mme fa ke kgarameletsa medemone kwa ntle ka Mowa wa Modimo, foo puso ya Modimo e tla bo e tlile go Iona.

Matheo 28:19 Ka moo he, yaang lo dire merafe yotlhe barutwa, lo ba kolobetse mo leineng la Rara le la Morwa le la Mowa o o Boitshepo.

Mareko 1:10 Ya re a tswa mo metsing, a akofa a bona magodimo a bulega, le Mowa o tswa teng, o fologela mo go ene jaaka lephoi.

Mareko 13:11 E re fa ba lo isa go lo tsenya mo lekgotleng, lo se ka Iwa itshwenya go sa le kwa pele ka ga se lo tla se buang; se lo tla se newang ka nako eo, lo se bue. Gonno e tla bo e se Iona ba lo buang, mme e le Mowa o o Boitshepo.

Luka 2:26 O kile a senolelwá ke Mowa o o Boitshepo gore ga a nke a bona loso, a ise a bone Motlodiwa wa Morena.

Luka 4:1 Jannong Jesu a boa kwa Joretane, a tletse Mowa o o Boitshepo, a ba a gogelwa ke Mowa kwa le kwa mo sekakeng

Luka 4:18-21 "Mowa wa Morena o mo go nna, ka gonno o ntloleditse go rerela bahumanegi Efangele; a ba a nthoma go fodisa ba ba pelo di phatlogileng, go bolelela batshwarwi kgololo, le difofu go baa di bona, le ba ba ketekilweng go ba naya tsela ba golotswe, 19 go bolela ngwaga o o monate

wa Morena." 20 Ya re a sena go phutha lokwalo le go lo neela modiredi, a nna fa fatshe, mme botlhe ba ba mo senagogeng ba ne ba mo tsepile matlho. 21 Jaanong a simolola go ba raya a re: "Se se kwadilweng fa, se dirafetse kajeno, lwa se ikutlwela."

Luka 12:11,12 "E re fa ba lo isa fa pele ga disenagogue le mebuso le balaodi, lo se ka lwa itshwenya gore lo tla ikarabela jang, gongwe ka eng, le fa e le gore lo tla bua eng; 12 gonnes Mowa o o Boitshepo o tla lo ruta ka nako eo tse lo tshwanetseng go di bua."

Johane 7:38,39 Yo o dumelang mo go nna, 'dinoka tsa metsi a a phelang di tla ela di tswa mo mmeleng wa gagwe,' jaaka Dikwalo di buile." 39 Mme o ne a bua jalo ka ga Mowa o ba ba dumelang mo go ene ba tla o amogelang; gonnes Mowa o o Boitshepo o ne o ise o nne teng, ka Jesu a ne a ise a galalediwe.

Johane 14:16,17 Nna ke tla rapela Rara, mme o tla lo naya Mogomotsi yo mongwe gore a nne le Iona ka bosakhutleng, 17 e bong Mowa wa nnete, o lefatshe le palelwang ke go o amogela; gonnes ga le o bone le e seng go o itse. Lona lo a o itse; gonnes o na le Iona, e bile o tla nna mo teng ga Iona.

Johane 14:26 Mme Mogomotsi, e bong Mowa o o Boitshepo, o Rara o tla o romelang mo leineng la me, o tla lo ruta dilo tsotlhe, o bo o lo gakolola tsotlhe tse ke di lo boleletseng.

Johane 16:7,8 Mme ke lo bolelela boammaaruri, fa ke re: Go molemo go Iona, fa ke tsamaya; gonnes fa ke sa tsamae, Mogomotsi ga a ka ke a tla go Iona. Mme fa ke tsamaya, ke tla mo romela go Iona. 8 Fa a sena go tla, o tla lemosa lefatshe boleo le tshiamo le katlholo;

Johane 16:13-15 Fela e tla re Mowa wa boammaaruri o sena go tla, o lo gogele mo boammaaruring jotlhe; gonnes ga o nke o bua ka bogaona, mme o tla bua tsotlhe tse o di utlwang; o bile o tla lo itsise dilo tse di tlhang. 14 Ona o tla nkgalaletsa; gonnes o tla tsaya mo go tse e leng tsa me, o di lo itsise. 15 Tsotlhe tse Rara o nang natso ke tsa me, ke ka moo ke rileng: 'O tla tsaya mo go tse e leng tsa me, o di lo itsise.'"

Johane 20:21,22 Jesu a ba raya gape a re: "A kagiso e nne le Iona! Ke a lo roma, jaaka Rara a nthomile." 22 Ya re a sena go bua jalo, a ba budulela, a ba raya a re: "Amogelang Mowa o o Boitshepo!

Ditiro 1:2 go fitlha mo letsatsing le o tlhatlositsweng ka lone, a sena go laola baapostolo ka Mowa o o Boitshepo ba a ba itlhaoletseng.

Ditiro 1:5 Gonnes fa e le Johane, o ne a kolobetsa ka metsi, mme Iona lo tla kolobediwa ka Mowa o o Boitshepo go ise go fete malatsi a mantsi."

Ditiro 1:8 Mme lo tla bona nonofo ya Mowa o o Boitshepo, motlheng o tlhang mo go Iona; lo tla nna basupi ba me mo Jerusalema le mo Jutea yotlhe le mo Samaria le go ya kwa bokhutlong jwa lefatshe."

Ditiro 2:1-4 E rile letsatsi la Pentekoste le tla, ba bo ba le mmogo bothle felong go le gongwe. 2 Ga utlwala ka tshoganyetso mosumo o o tswang

legodimong, e kete wa ledimo le le tsubutlang, wa tlala ka ntlo yotlhe e ba nnang mo go yona. 3 Ga ba ga bonala mo go bone diteme tse di kgaoganang, e kete dikgabo tsa molelo, tsa nna mo go mongwe le mongwe wa bone. 4 Mme botlhe ba tlala Mowa o o Boitshepo, ba simolola go bua ka diteme di sele ka fa Mowa o ba buisang ka teng.

Ditiro 2:17-19 'Modimo wa re: E tla re ka malatsi a bofelo ke tshele Mowa wa me mo bathong botlhe; bomorwaa-lona le bomorwadia-lona ba tla itsise thato ya Modimo, makau a lona a tla lora ditoro. 18 Ee, le mo batlhankeng ba me le mo malateng a me ke tla tshela Mowa wa me mo malatsing ao, mme ba tla itsise thato ya Modimo pele. 19 Ke tla dira dikgakgamatso kwa godimo mo legodimong le ditshupo kwa tlase mo lefatsheng, e bong madi le molelo le dipinagare tsa musi. (Joele 2:28,29)

Ditiro 2:33 Jaanong o godisitswe ka letsogo le le jang la Modimo, a amogela Mowa o o Boitshepo mo go Rara o a o sololeditseng, a tshela se jaanong lo se bonang, lo se utlwang.

Ditiro 2:38 Petoro a ba raya a re: "Tlhahabologang, mme a mongwe le mongwe wa lona a kolobediwe ka leina la ga Jesu Keresete go bona boitshwarelo jwa dibe tsa lona, mme lo tla amogela neo ya Mowa o o Boitshepo.

Ditiro 4:31 Ya re ba sena go rapela, felo fa ba phuthegetseng teng ga reketla, botlhe ba tlala Mowa o o boitshepo, ba be ba bua Lefoko la Modimo ka bopelokgale.

Ditiro 8:15-17 Ya re ba sena go fitlha teng, ba ba rapelela gore ba amogele Mowa o o Boitshepo; 16 gonne o ne o ise o wele mo go ope wa bone, ba ne ba kolobeditswe mo leineng la Morena Jesu fela. 17 Ba ba baya diatla, mme ba amogela Mowa o o Boitshepo.

Ditiro 8:39 Ya re ba tswa mo metsing, Mowa wa Morena wa tlosa Filipo, mme modiredi a se ka a tlhola a mmona; fela a tswelela mo tseleng ya gagwe ka boitumelo. (1 Dikgosi 18:12)

Ditiro 9:31 Jaanong phuthego ya nna mo kagisong nageng yotlhe mo Jutea le mo Galelea le mo Samaria, ya agega, ya tswelela pele mo go boifeng Morena, ya oketsegka thuso ya Mowa o o Boitshepo.

Ditiro 10:44,45 Ya re Petoro a sa ntse a bua mafoko a, Mowa o o Boitshepo wa wela botlhe ba ba utlwang molaetsa. 45 Ke fa ba bogwera ba ba dumetseng, ba ba tsileng le Petoro, ba gakgamala fa neo ya Mowa o o Boitshepo e tshetswe le mo baheitaneng;

Ditiro 11:15 Ya re ke simolola go bua, Mowa o o Boitshepo wa fologela mo go bona fela jaaka mo go rona mo tshimologong.

Ditiro 13:52 "Mme barutwa ba tlala boitumelo le Mowa o o Boitshepo.'

Ditiro 19:6 Mme ya re Paulo a ba baya diatla, Mowa o o Boitshepo wa tla mo go bone, ba bua ka diteme, ba be ba porofesa.

Ditiro 20:23 fa e se gore Mowa o o Boitshepo o ntshupetsa mo motseng mongwe le mongwe o re, dikgole le dipitlagano di nkemetse.

**BaRoma 5:5 mme tsholofelo ga e tlhabise ditlhong; gonne lorato Iwa Modimo
lo tshetswe mo dipelong tsa rona ka Mowa o o Boitshepo o re o neilweng.**

**BaRoma 8:9 Mme Iona ga lo mo nameng; lo mo moweng, fa tota Mowa wa
Modimo o agile mo go Iona; fa motho a sa tshola Mowa wa ga Keresete,
yoo ga se wa gagwe.**

**BaRoma 8:13-16 Gonne fa lo phela ka fa nameng, lo tla swa; mme fa lo bolaya
ditiro tsa mmele ka mowa, lo tla phela. 14 Gonne botlhe ba ba gogwang ke
Mowa wa Modimo ke bone bana ba Modimo. 15 Kana ga lo a amogela
mowa wa botlhanka wa gore lo boe lo boife; mme lo amogetse mowa wa
bongwana o re bitsang ka ona re re: "Abba, Rara!" 16 Mowa ka osi o
supetsa mewa ya rona gore re bana ba Modimo.'**

**BaRoma 8:26 Mme Mowa le ona o thusa bokoa jwa rona jalo; gonne ga re itse
se re ka se kopang ka tshwanelo; Mowa ka osi o re emela ka diphegelo tse
di sa kgonweng go bolelw.**

**BaRoma 15:13 Mme jaanong a Modimo wa tsholofelo o lo tlatse boitumelo
jotlhe le kagiso ka go dumela gore lo tote bogolo mo tsholofelong ka thata
ya Mowa o o Boitshepo.**

**BaRoma 15:19 ka thata ya ditshupo le dikgakgamatso le ka thata ya Mowa wa
Modimo, mo ke bileng ke tlatsa lefatshe Efangele ya ga Keresete go
simolola kwa Jerusalema le mo tikologong go ya go fitlha kwa Illeriko.**

**1 BaKorinthe 2:10-13 Mme Modimo o di re senoletse ka Mowa wa ona; gonne
Mowa o tlhotlhomisa dilo tsotlhe, le tse di boteng tsa Modimo. 11 Kana ke
mang mo bathong yo o itseng tse di mo mothong, fa e se mowa wa motho o
o mo go ene? Le gona jalo ga go ope yo o itseng tse di mo Modimong fa e
se Mowa wa Modimo. 12 Mme rona ga re a tshola mowa wa lefatshe, re na
le Mowa o o tswang mo Modimong gore re tle re itse dilo tse re di
abetsweng ke Modimo; 13 tse e bileng re di bolela, e seng ka mafoko a a
rutwang ka botlhale jwa botho, mme e le ka a a rutwang ke Mowa o o
Boitshepo ka go tlhalosetsa ba Mowa tsa Mowa.**

**1 BaKorinthe 3:16 A ga lo itse gore lo Tempele ya Modimo, le gore Mowa wa
Modimo o agile mo teng ga Iona?**

**1 BaKorinthe 6:11 Bangwe ba Iona ba ne ba ntse jalo; mme jaanong lo
tlhapisitswe, lo itshepisitswe, lo siamisitswe ka leina la Morena Jesu
Keresete le ka Mowa wa Modimo wa rona.**

**1 BaKorinthe 12:3 Ke ka moo ke lo itsiseng gore ga go ope yo e ka reng a bua
ka Mowa wa Modimo a re: "A go hutsiwe Jesu!" E bile ga go ope yo o ka
reng: "Jesu ke Morena!" fa e se ka Mowa o o Boitshepo.**

**2 BaKorinthe 3:17 Morena ke ene Mowa, mme kwa Mowa wa Morena o leng
teng, gona go kgololesego.**

**2 BaKorinthe 13:14(13) Bopelotlhomogi jwa Morena Jesu Keresete le lorato
Iwa Modimo le kabelanyo ya Mowa o o Boitshepo a di nne le Iona lotlhe!**

BaGalata 4:6 Mme e re ka lo le bana, Modimo o rometse Mowa wa Morwaa-

ona mo dipelong tsa rona o o bitsang o re: "Abba, Rara!"

BaEfeso 1:13,14 Le Iona, e rile lo sena go utlwa Lefoko la boammaaruri e bong Efangele ya go pholosiwa ga Iona le go dumela mo go ene, Iwa kanwa mo go ene ka Mowa o o boitshepo o o solofeditsweng. 14 o e leng sebelelo sa boswa jwa rona gore go gololwe ba e leng ba ona go boka kgalalelo ya ona.

BaEfeso 2:18 Gonne rona ka bobedi jwa rona re na le tsela ya go fitlha ka ena kwa go Rraetsho ka Mowa o le mongwe fela.

BaEfeso 4:30 Se hutsafatseng Mowa o o Boitshepo wa Modimo o lo kanetsweng letsatsi la kgololo ka ona.

1 BaThesalonika 4:8 Jalo he, yo o nyatsang ga a nyatse motho, mme o nyatsa Modimo o o lo neileng Mowa o o Boitshepo wa ona.

1 BaThesalonika 5:19 Se timeng Mowa.

2 BaThesalonika 2:13 Mme rona re tshwanetse go leboga Modimo ka gale ka ntlha ya Iona, bakaulengwe ba lo ratwang ke Morena, ka gonne Modimo o sa le o lo itlhaoela go tswa tshimologong gore lo pholosiwe ka go itshepisiwa ke Mowa le ka go dumela boammaaruri. (1 Petoro 1:2)

Tito 3:5,6 wa re pholosa, e seng ka ntlha ya ditiro tsa tshiamo tse rona re di dirileng, mme e le ka fa boutlweleng-botlhoko jwa ona ka tlhapo ya go tsalwa gape le ka ntshwafatso ya Mowa o o Boitshepo 6 o o o goromeditseng mo go rona ka Jesu Keresete, Morepholosi.

BaHebere 2:4 Modimo o ntse o supa mmogo le bone ka ditshupo le dikgakgamatso le dithata tse dintsi le dikabo tsa Mowa o o Boitshepo ka fa thatong ya ona.

BaHebere 10:15 Mme le Mowa o o Boitshepo o re supetsa jalo; gonne e rile Morena a sena go bua a re:

1 Petoro 1:2 ka fa maikaelelong-pele a Modimo Rara ka boitshepiso jwa Mowa, gore ba utlwe Jesu Keresete, ba kgatshiwe ka madi a gagwe: A bopelotlhomogi le kagiso di lo ntsifalele.

2 Petoro 1:21 gonne ga go ise go ke go tle polelelo-pele ka go rata ga motho, mme batho ba ba boitshepo ba Modimo ba buile, ba tlhotlheleditswe ke Mowa o o Boitshepo.

1 Johane 4:2 Se lo tla itseng Mowa wa Modimo ka sona ke se: Mowa mongwe le mongwe o o ipolelang Jesu Keresete yo o tsileng mo nameng, ke o o tswang mo Modimong.

1 Johane 5:7,8 Gonne go ba bararo ba ba supang, 8 e bong Mowa le metsi le madi; boraro jo, bo supela gongwe.

Juta 1:20 Mme Iona, baratwi, ikageng mo tumelong ya Iona e e bbitshepotshopo, lo rapele ka Mowa o o Boitshepo.